



PERSEVERA

Un página di kurashamentu i guia spiritual pa
miembran di Scouting Antiano



Mei 2015

Edishon 52 Aña 5

Positiviteit en voorspoed

Een mens raakt
verbittert
door vele
vervelende
omstandigheden

Het leven is
ingewikkeld
Altijd aanwezige
prikkel
houden je vast aan
gebeurtenissen
uit je omstrede
verleden

Je zult altijd alles
moeten geven
Stagnatie
vermijden

Wonden zullen
helen
Als je maar blijft
hopen op betere
tijden

Want als de hoop
zich maar
verscholen houdt
is de redding ver te
zoeken

Je hart moet altijd
open staan
vooral met zeer
dun ijs onder de
voeten

Je verleden en alle
keren dat je daarin
faalde
Worden je
vergeven door je
fouten toe te
geven

Richt je tot onze
hemelse vader
En je bent
verzekerd
van positiviteit
en voorspoed in je
leven

"AMBISHON"

Ambishon ta un deseo ferviente ku hende tin pa logra òf haña algu den bida. Un hende ku ambishon, ta un hende ku **stima** bida i tur loke bida tin pa ofresé.

Un hende ku ambishon ta un hende ku ta sigui **desaroyá**. Un hende ku ambishon ta un hende ku ta **perseverá**. Un hende ku ambishon ta un hende ku ke **progreso**, pa su mes i pa su pais. Un hende ku ambishon por ta un **estímulo** pa esnan ku konos'é. Un hende ku ambishon ta un hende ku ta **edifiká** konstantemente na su futuro. Un hende ku ambishon ta un hende ku semper ke hasi su máximo **esfuerzo**.

Si bo tin ambishon, bo ta studia, bo traha ku dedikashon. Ta importante konsiderá kiko ta meta di nos ambishon. No laga nos ambishoná solamente kosnan material, pero laga nos duna **balornan spiritual** e importansia ku nan meresé pa nos por ta felis.

Pèrkurá pa den bo afan pa realisá bo ambishon, bo no ofendé ni perhudiká bo próhimo. Loke bo ta ambishoná mester ta algu ku ta na bo bienestar, i na bienestar di bo próhimo.



P'esei mas ku tur kos nos tin ambishon pa biba manera ta agrad'É, sea ku nos ta biba akibou òf ayariba. (2Korintionan 5:9)

Kiko un Mama ta bisa

Mi a duna bo bida - pero mi no por biba pa bo
Mi por siña bo hopi kos - pero mi no por siña pa bo
Mi por mustrabo e kaminda rekto - pero mi no por kan'é pa bo
Mi por duna bo libertat - pero mi no por limit'é pa bo
Mi por hiba bo misa - pero mi no por hasi bo kere den Dios
Mi por siña bo kita bon fo'í malu - pero mi no por tuma desishon pa bo
Mi por kumpra paña bunita pa bo - pero mi no por hasi bo bunita di paden
Mi por konsehá bo - pero mi no por aseptá e konseho pa bo
Mi por duna bo amor - pero mi no por forsa bo pa asept'é
Mi por siña bo kompartí - pero mi no por sòru pa bo no ta haragan
Mi por siña bo duna respèt - pero mi no por obligá bo pa duna respèt
Mi por duna bo konseho pa ku bo amigunan - pero mi no por skohe bo amigunan pa bo
Mi por siña bo di bida seksual - pero mi no por obligá bo warda te despues di matrimonio
Mi por konta bo di e echanan di bida - pero mi no por sòru pa bo tin un bon reputashon
Mi por konta bo di e konsekuensianan di alkohòl - pero mi no por bisa "NO" pa bo
Mi por atvertí bo di droga - pero mi no por evitá ku bo no ta uza droga
Mi por siña bo pone meta - pero mi no por logra nan pa bo
Mi por siña bo ta amikal - pero mi no por forsa bo di ta grasioso
Mi por siña bo di pikánan - pero mi no por biba un bida sin piká pa bo
Mi por stima bo - pero mi no por pone bo den e famia di Dios
Mi por resa pa bo - pero mi no por pone bo kana ku Dios
Mi por siña bo di Dios - pero mi no por hasi Hesus bo Señor
Mi por siña bo biba - pero mi no por duna bo bida Eterno



Un mama semper ta stima i ta un Regalo di Dios ta pa e motibu ei nos mester balorá nos mama ku Dios a duna nos. Nos no mester lubidá ku promé ku Hesus a muri El a entregá nos Su mama. Kada mama ku mester di forsa mester kòrda riba nos mama selestial. Pidi E pa e intersedé serka Dios pa e forsa nesesario ku bo mester komo mama.